

Hivuraqhiit-mi Kuulmik Uyaraktaqvik

Pijugauyuq

Pijutauyuq Hivuraqhiit-mi Kuulmik Uyaraktaqvik (Havaaq) qiniqhiyaagani kuulmik ilituqhaqlugulu hanianiituut nunat. Una havaaq havaariyauhimayuq uvani nunami ukiuni atuqhimayuni: NIRB-kut hivuani ihivriuhihimaliqtut havaariyauyunik KIA-kulu NWB-kulu tunihihimaliqtut laisiuyunik.

Timiuyuq upalugaiyaqtuq havaariyaagani havaaq, Blue Star Gold Corp.-guyuq, immaqmik aturiamikni laisiqualiqtut (2BE-HRP1419), kihiani havakpalaahimagitut nunagiyauyumi malruukni ukiukni. Immaqmik aturiagani laisiuyuq nutaaguqtiriaqtuq ilaginiklu aalaguqtiqniginik piqariagani nutaamik igluuqpaqaqvikhamik; igluuqpaqaruqtuq nunami taja nutaamik hanayariaqtuq. Ilaganilu, nutaq nunamik aturiagani laisiuyuq KIA-kunit ihariagiyauyuq tamaita hulijutikhat havaariyauyaagani Inuit Nanminik Nunagiyani.

Blue Star-kut qaganuaq aalaguqhimayaat atiqtik: timiuyuq hivuani qauyimayauyuugaluaq WPC Resources-kunik Timiuyumik.

Nutaq atia, Blue Star Gold Corp.-kunik pihimayuq uvluriamit Nunavumi takuyaani, timiuyuvlu ihumagiyainik havaariyamiknik Nunavumi. Blue Star-kut nanminiaqtulu timiuyumik taiyauyumik Inukshuk Exploration Timiuyumik, havakhimayumik nunami ukiuni atuqhimayuni.

Inigiyauyuq

Havaaq 210-kilaamitamik ugahikniyaqtuq hivuraata kivaliqhiani Kugluktup, hanianiituq Ulu-mi nunagiyauyuq, hanianilu havakviuyuk Hivuraqhiit-mi Frayed Knots-milu Kuukami. Tamaat havaaq iniaqtuq Inuit Nanmini Nunagiyani.

Qanuriniga Pivikhaqaqnigalu

Qiniqhiyaagani kuulmik ilituqhaqlugulu hanianiitut nunat, ukua atulaaqtut havaariyauniganik havaaq:

- Hanalutik atulaklugulu tupiqpaqaqvikhaq upingaami, auyami, ukiakhamilu;
- Qiniqhialutik ikuutaqlutiklu nanihiyaagani amigaitqiyani kuulmik;
- Atuqlutik tikmianik havakvikmugauyaami, hanikaapkailu, sikiitulu haguyaami igluuqpaqaqvikmi;
- Tuutquqhilutik uququyanik igluuqpaqaqvikmi hanianilu ikuutat;
- Tikmiakuuqtilugit inuit ihuaqutikhalu qanilruumit nunagiyauyunit igluuqpaqaqvikmut, mitpaklutik atuqtumi milvikmi haniani Ulu-p;
- Atuqlutik hiniktaqviknik manikhaqhiurutiniklu haniani nunagiyauyuni aulaliraagamik igluuqpaqaqvikmut;
- Atuqlutik nunami manikhaqhiurutauyut inuulu havagiami havaami;
- Ilituqhaqlugit igilraaqnitat, nuna, immaq, hilauyuq, umayulu talvani nunauyui.

Taimaiginaqnigani atulihaaqnigani ubluut qiniqhianikut havaami, nahuriyauyuq Havaaq aulagtiriagani mikiyuuluni agiklivalialunilu nanihiguupta kuulmik. 2019-mi, upalugaiyaqtugut hanayaaptikni mikiyumik

igluuqpaqaqvikhamik auyaq, qanituani 30 inuit igluuqpaqaqvikmi ikutariagani maluuknik atuqlutik atautikut hanikaaptakmiklu, nalvaqhiuqlutiklu uyaraktaqvikhanik. Havatiaruupta, amigaitqiyani inuqalaaqtuq ikuutaqtuniklu agitqiyamiklu igluuqpaqaqvikmik hivunikhami, havalaaqtugulu ukiumi.

Ahiagurutikhat

Blue Star-kut qiniqhimayut atuqtakhanik havaariyaagani taja upalugaiqtauyut. Igluuqpaqagitkaluaqluni Kugluktumiilaaqtugut Iqaluktuutiamiluniit. Talvaniinialuaqtuluta ilaani, talvaniitaami unutuaraagat amihunik aulaarutaulaaqtuq talvuga havakvikmilu ublutuaraagat. Igluuqpaqaqtuugaluaq Ulu-mi, kihiani, atulimaginaptigu taja inugiakniaqmat inuknik kiklimaktiriyunik Ulu-mi. Blue Star-kut qanuriliugilutik pilaaqtut nunagiyauyumi, kihiani, ukpiruhuktugut kuulqaqniganik nunami qinirumayavulu. Havaqatigiyumayavulu inuit maniqami nunagiyauyunilu, pipkailuta havaakhanik, ayuiqhajutikhanik, atuqtakhaniklu.

Ilauyut Upigiaqnigut

Ublumimut, Blue Star-kut uqaqhimaliqtut ukunuga: Kugluktumi, Qigaup Umikmaktuuvlu Angunahuaqtiit Naniriaqtuqtulu Timiuyut; inuit nunaqaqtut Kugluqtumi, Iqaluktuutiamilu, NTI-kut, KIA-kut, NPC-kut, NIRB-kut, NWB-kut, GN-kut, CIARNAC-kut, CanNor-kut, aalalu inuit havaktut Qitirmiuni, nunagiyauyumilu nanminik manikhaqhiurutiaqtut. Inuit katimayaagani upingaami upalugaiqtut.

Avatauyumik Aktuqnigut

Hunaliqaa hulijut maniqamik ihiruhilaaqtuq ihuilijutauluniluniit. Una atugitaagani, Blue Star-kut upalugaiyaqtut havagiami hivuani, havaqatigilugit inuit qauyimayut nunamik, havakpaktumiklu ihuaqtumik ukua havaavut maniraqlu aaniqviugitaagani halumayaaganilu havaktiluta, nakhariaganilu tamaita piqutivut ihuaqutilu iniruupta havaaptiknik.